



SIARAN MEDIA BERSAMA

06 JULAI 2022

KERJASAMA STRATEGIK ANTARA LEMBAGA TEKNOLOGIS MALAYSIA (MBOT) DENGAN PERBADANAN TABUNG PEMBANGUNAN KEMAHIRAN (PTPK) DALAM MEMPERKASA GRADUAN TVET NEGARA

KUALA LUMPUR, 06 JULAI 2022 - Lembaga Teknologis Malaysia (MBOT) bersama Perbadanan Tabung Pembangunan Kemahiran (PTPK) telah menandatangani Memorandum Persefahaman (MOU) bagi membolehkan pembiayaan pendaftaran para pelatih program Pensijilan Kemahiran Malaysia dengan MBOT. YB Datuk Haji Ahmad Amzad bin Hashim, Timbalan Menteri Sains, Teknologi dan Inovasi telah menyaksikan sesi pertukaran dokumen di antaran MBOT dan PTPK semasa merasmikan program *MBOT Experts Network in Technology, Innovation and Cooperative Event* yang berlangsung baru-baru ini. Perjanjian ini ditandatangani oleh En Mohd Fathullah bin Mustafa, Ketua Eksekutif PTPK manakala MBOT diwakili oleh Datuk Ts. Ir. Dr. Siti Hamisah binti Tapsir, Presiden dan Dr Md Fauzi bin Md Ismail, Pendaftar.

Melalui kerjasama MOU ini, PTPK selaku badan yang menguruskan dana pinjaman latihan kemahiran kepada para pelatih Tahap 3, 4 dan 5 program Pensijilan Kemahiran Malaysia akan memberi fasilitasi pembiayaan bagi pendaftaran sebagai Juruteknik Berkelayakan dan Juruteknik Bertauliah (Tc.). Dengan pembiayaan ini, ianya akan membantu para pelatih untuk mendaftar secara terus serta mendapat pengiktirafan MBOT.

Inisiatif ini dijangka akan melengkapkan keseluruhan rantai yang bermula daripada latihan kemahiran di Institut Latihan TVET sehingga ke pengiktirafan profesional. Sehubungan dengan ini, PTPK dan MBOT sama-sama menyeru para pelatih untuk mengambil peluang ini kerana profesion Teknologis dan Juruteknik setaraf dengan profesional yang lain seperti yang dijamin dalam Akta Teknologis dan Juruteknik 2015 (Akta 768).

Kerjasama ini merupakan satu inisiatif strategik antara dua badan utama dalam ekosistem TVET negara yang masing-masing mempunyai peranan penting. Sebagai sebuah badan profesional, MBOT sentiasa proaktif untuk memartabatkan bakat-bakat ini melalui pengiktirafan profesional Teknologis dan Juruteknik. Manakala PTPK berperanan untuk menyediakan fasilitasi kewangan bagi pengembangan bakat-bakat TVET negara.

-TAMAT-

Lembaga Teknologis Malaysia (MBOT) merupakan sebuah badan profesional yang memberikan pengiktirafan profesional kepada Teknologis dan Juruteknik dalam bidang teknologi dan teknikal. MBOT telah ditubuhkan di bawah Akta Teknologis dan Juruteknik 2015 [Akta 768] untuk mengiktiraf, mengawal, menggalak dan membangunkan profesion teknologis dan juruteknik sebagai profesion ikhtisas.

Perbadanan Tabung Pembangunan Kemahiran (PTPK) merupakan Badan Berkanun Persekutuan di bawah Kementerian Sumber Manusia yang ditubuhkan dibawah Akta Tabung Pembangunan Kemahiran 2004 (Akta 640). PTPK diberi tanggungjawab untuk menguruskan dana pinjaman dan bantuan kewangan bagi tujuan Latihan kemahiran kepada individu yang mengikuti latihan kemahiran di Penyedia Latihan Awam (PLA) dan Swasta (PLS) yang ditauliahkan oleh Jabatan Pembangunan Kemahiran dan berdaftar dengan PTPK.



07 Jun 2022, Kuala Lumpur - YB Datuk Haji Ahmad Amzad bin Hashim, Timbalan Menteri Sains, Teknologi dan Inovasi telah menyaksikan Sesi Pertukaran Memorandum Persefahaman di antara Lembaga Teknologis Malaysia (MBOT) dan Perbadanan Tabung Pembangunan Kemahiran (PTPK).

Untuk maklumat lanjut, sila hubungi:

Unit Komunikasi Korporat
Lembaga Teknologis Malaysia (MBOT)
E-mel: s.salsabila@mbot.org.my
No Tel: +603-8800 6268/+6017-3170613

Cawangan Komunikasi Korporat
Perbadanan Tabung Pembangunan Kemahiran (PTPK)
E-mel: ismarizal@ptpk.gov.my / azmi@ptpk.gov.my
No Tel: +6019-2340527/+603-4047 6149